

## ՀԱՇՎԵՏՎՈՒԹՅՈՒՆ

### ՏԵՂԱԿԱՆ ԻՆՔՆԱԿԱՌԱՎԱՐՄԱՆ ԵՎ ՀԱՆՐԱՊԵՏԱԿԱՆ ԳՈՐԾԱԴԻՐ ՄԱՐՄԻՆՆԵՐԻ ՀԱՐՑԵՐՈՎ ՎԱՐՉՈՒԹՅԱՆ 2015 ԹՎԱԿԱՆԻ ԿԱՏԱՐԱԾ ԱՇԽԱՏԱՆՔՆԵՐԻ ՄԱՍԻՆ

Հաշվետու ժամանակաշրջանում համագործակցված աշխատանքներ են տարվել հանրապետական գործադիր մարմինների տարածքային ծառայությունների հետ, ակաիովվել է մարզի կապի, էներգետիկայի, հարկային, արտակարգ իրավիճակների, զինկոմիսարիատների, ոստիկանության հանրապետական գործադիր մարմինների տարածքային ծառայությունների համագործակցությունը տեղական ինքնակառավարման մարմինների հետ :

«Համայնքային ծառայության մասին» ՀՀ օրենքի 35.2-րդ հոդվածի 1-ին մասի «բ» կետի համաձայն և ՀՀ տարածքային կառավարման և արտակարգ իրավիճակների նախարարի կողմից հաստատված տարեկան ծրագրին համապատասխան 2015 թվականին ՀՀ Վայոց ձորի մարզի Արտավանի, Գոմքի, Բարձրունու, Սերսի, Վայքի Մալիշկայի, Գլաձորի, Եղեգնաձորի և Արենիի համայնքապետարանների աշխատակազմերի կադրային գործի վարման նկատմամբ ՀՀ տարածքային կառավարման և արտակարգ իրավիճակների նախարարության կողմից իրականացված վերահսկողության արդյունքում հայտնաբերվել են թերություններ ու բացթողումներ Տեղական ինքնակառավարման և համայնքային ծառայության մասին ՀՀ օրենքների պահանջների կատարման ուղղությամբ :

2015 թվականի ընթացքում կազմակերպվել են քննարկումներ բացահայտված թերությունների վերացման կապակցությամբ . ցուցաբերվել է մեթոդական , խորհրդատվական օգնություն:

Ձեռնարկված միջոցների արդյունքում նշված թերությունները վերացվել են:

ՀՀ Վայոց ձորի մարզպետի 21.08.2015 թվականի թիվ 01/08.1/5008-15 գրությամբ թերությունների վերացման վերաբերյալ ՀՀ տարածքային կառավարման և արտակարգ իրավիճակների նախարարություն է ներկայացվել տեղեկատվություն:

Նախապատրաստվել է ՀՀ Վայոց ձորի մարզպետի՝ Հայաստանի Հանրապետության Վայոց ձորի մարզի բնակչության պաշտպանության համակարգի նախապատրաստման 2015 թվականի հիմնական միջոցառումների պլանը հաստատելու մասին որոշման նախագիծ, որը հաստատվել է 14.01.2015 թվականին մարզպետի N 1 որոշմամբ:

Նախապատրաստվել է ՀՀ Վայոց ձորի մարզպետի՝ Հայաստանի Հանրապետության Վայոց ձորի մարզի համայնքներում 2015 թվականին բնակավայրերի սանիտարական մաքրման, ծառատնկման և կանաչապատման միամսյակ անցկացնելու մասին որոշման նախագիծ, որը հաստատվել է 18.03.2015 թվականին մարզպետի N 26 որոշմամբ:

2015 թվականի ընթացքում ներ է դրվել համայնքային ծառայողների գրանցամատյանի էլեկտրոնային կառավարման համակարգը:

Հաշվետու ժամանակաշրջանում 21 համայնքային ծառայողներ վերապատրաստվել են: Միաժամանակ վերապատրաստվել են 9 համայնքի ղեկավար և 41 ավագանու անդամներ:

2015 թվականի ընթացքում 23 համայնքային ծառայողներ ատեստավորվել են:

2015 թվականի ընթացքում մարզի համայնքներում համայնքային ծառայության 22 թափուր պաշտոնների համար հայտարարվել են մրցույթներ, որոնց արդյունքում հաղթող են ճանաչվել և համայնքային ծառայության պաշտոններում նշանակվել են 17 քաղաքացի :

2015 թվականի ընթացքում մարզում համայնքային ծառայության պաշտոնների թիվը 184 է, որից թափուր են 9 պաշտոններ :

Օրենքով սահմանված կարգով ՀՀ տարածքային կառավարման և արտակարգ իրավիճակների նախարարություն ներկայացվել են առաջարկություններ Եղեգնաձորի քաղաքապետարանի, Արենիի, Սերսի, Ելփինի, Խնձորուտու գյուղապետարանների աշխատակազմերի համայնքային ծառայության պաշտոնների ավանագանկերում փոփոխություններ կատարելու վերաբերյալ:

ՀՀ կառավարության 2014 թվականի մարտի 6-ի թիվ 214-Ա որոշման համաձայն համայնքներին տրամադրվել է տեղեկատվություն 2014 թվականի երկրորդ կիսամյակում, 2015 թվականի առաջին կիսամյակում ՀՀ ոստիկանության անձնագրային և վիզաների վարչության բնակչության պետական ռեգիստրում հաշվառված և հաշվառումից հանված քաղաքացիների տվյալների վերաբերյալ: Համայնքներին տրամադրվել է նաև ՀՀ ոստիկանության անձնագրային և վիզաների վարչության բնակչության պետական ռեգիստրում 01.01.2015 թվականի դրությամբ բոլոր հաշվառված քաղաքացիների վերաբերյալ տեղեկատվություն:

ՀՀ կառավարության 2009 թվականի մայիսի 21-թիվ 562-Ն որոշման 1-ին կետի 2-րդ ենթակետով հաստատված թիվ 2 հավելվածով ՀՀ մարզպետների կողմից կատարած աշխատանքների վերաբերյալ ներկայացվել է տեղեկատվություն համապատասխան պետական մարմիններ:

Ընդունվել է միգրացիայի հետ խնդիր ունեցող 147 քաղաքացու դիմում, սահմանված կարգով տվել է ընթացք: ՀՀ տարածքային կառավարման և արտակարգ իրավիճակների նախարարության միգրացիոն պետական ծառայության կողմից ստացվել է 152 քաղաքացու դիմումի պատասխան:

Համակարգվել են տեղական ինքնակառավարման մարմինների կողմից կատարված աշխատանքները :

ՏԻՄ օրենքի պահանջների կատարման նպատակով աշխատանքներ են տարվել ավագանու նիստերի հրավիրման ժամկետների պահպանման, ընդունված որոշումները օրենքով սահմանված ժամկետում մարզպետարան

ներկայացնելու, որոշումները ՀՀ օրենսդրությանը համապատասխանեցնելու, ընդունված իրավական ակտերի և բյուջեների հրապարակայնության ապահովման ուղղությամբ :

Համակարգվել է ՀՀ Սահմանադրությանը և ընթացիկ օրենսդրությանը հակասող մարզի ՏԻՄ-երի կողմից ընդունված որոշումները մարզպետի պահանջով վերանայելու գործընթացը:

Համակարգվել են համայնքային բյուջեների կատարման ընթացքի վերաբերյալ համայնքների ղեկավարների կողմից ավագանուն տրված եռամսյակային հաղորդումների և տարեկան հաշվետվությունների տրման աշխատանքները, ինչպես նաև համայնքների ղեկավարների կողմից 2014 թվականի կատարած աշխատանքների վերաբերյալ տրված հաշվետվությունների գործընթացները:

Հետևողական աշխատանքներ են տարվել համայնքներում ՏԻՄ-երի գործունեության հրապարակայնության ապահովման ուղղությամբ : Այդ նպատակով մարզի բոլոր համայնքներում տեղադրվել են ցուցատախտակներ, որոնց միջոցով համայնքների ազգաբնակչությունը իրազեկվում է համապատասխան տեղական ինքնակառավարման մարմինների գործունեության վերաբերյալ :

Հետևողական աշխատանքներ են տարվել համայնքների ավագանիների դերակատարության ու պատասխանատվության բարձրացման ուղղությամբ : Համայնքի ղեկավարների և ավագանիների կողմից կազմակերպվել է քաղաքացիների ընդունելություն և հանդիպում համայնքի բնակչության հետ :

Հաշվետու ժամանակաշրջանում համակարգվել են ՏԻՄ-երում հանրային սննդի, առևտրի և սպասարկման բնագավառներում կազմակերպվող աշխատանքները, որոնց արդյունքների վերաբերյալ տարածքային կառավարման նախարարություն ներկայացվել են կիսամյակային և տարեկան հաշվետվություններ:

Համակարգվել և անհրաժեշտ օժանդակություն է ցուցաբերվել զորակոչի, զորահավաքի և վարժական հավաքների անցկացման աշխատանքներին

Համայնքներում իրականացված միջոցառումների վերաբերյալ ՀՀ տարածքային կառավարման և արտակարգ իրավիճակների նախարարություն է ներկայացվել եռամսյակային և կիսամյակային հաշվետվություն:

Համաձայն ՀՀ տարածքային կառավարման և արտակարգ իրավիճակների նախարարի 27.12.2014 թվականի թիվ 282-Ա հրամանով հաստատված աշխատանքային ծրագրի և ՀՀ Վայոց ձորի մարզպետի 21.01.2015 թվականի թիվ 2 որոշման պահանջների 2015 թվականի ընթացքում վարչական հսկողություն է իրականացվել ՀՀ Վայոց ձորի մարզի Վայքի, Ջերմուկի՝ քաղաքային և Արփիի, Ելփինի, Արտաբույնքի, Հերիերի, Սարավանի, Բարձրունու, Սերսի, Խնձորուտի, Արինի, Մարտիրոսի, Ռինդի,

Վարդահովիտի, Շատինի գյուղական համայնքներում: Իրականացված վարչական հսկողության արդյունքում հայտնաբերված թերությունների վերաբերյալ կազմվել են արձանագրություններ:

Հսկողության ժամանակ արձանագրվել են թերություններ և բացթողումներ «Տեղական ինքնակառավարման մասին», «Համայնքային ծառայության մասին», «Իրավական ակտերի մասին», «Տեղական տուրքերի և վճարների մասին», «Թափոնների մասին», «Արտակարգ իրավիճակներում բնակչության պաշտպանության մասին», «Քաղաքացիական պաշտպանության մասին» ՀՀ օրենքների պահանջների կատարման ուղղությամբ:

Թերությունների և բացթողումների վերաբերյալ կազմվել են ակտեր, քննարկվել և սահմանվել են ժամկետներ թերությունների վերացման ուղղությամբ:

Կազմված արձանագրությունները և հայտնաբերված խախտումները սահմանված ժամկետում ներկայացվել են ՀՀ տարածքային կառավարման և արտակարգ իրավիճակների նախարարություն և տեղադրվել մարզպետարանի կայքում:

- ՀՀ տարածքային կառավարման և արտակարգ իրավիճակների նախարարություն է ներկայացվել գրություն համապատասխան հիմքերով՝ Թառաթումբի համայնքի ավագանու լիազորությունները վաղաժամկետ դադարեցնելու վերաբերյալ:

Վարչությունը համագործակցված աշխատանքներ է տարել ՏԻՄ ընտրությունների կազմակերպման ուղղությամբ.

- Համակարգվել է 2015 թվականի հունվարի 18-ին կայացած Վայքի քաղաքային համայնքի ղեկավարի, մարտի 15-ին կայացած Չիվայի, գյուղական համայնքի ղեկավարի, մայիսի 3-ին կայացած Թառաթումբի գյուղական համայնքի ավագանու, սեպտեմբերի 13-ին կայացած Գողթանիկի գյուղական համայնքի ղեկավարի ընտրությունների և ղեկտեմբերի 6-ին ՀՀ Սահմանադրության փոփոխությունների հանրաքվեի նախապատրաստման և կազմակերպման գործընթացները:

Համակարգվել է 2015 թվականի նոյեմբերի 10-ին ՀՀ Վայոց ձորի մարզի Ջերմուկի քաղաքային համայնքում անցկացվող «Գյուղական համայնքների 5-րդ համաժողով»-ի կազմակերպչական աշխատանքները:

2015 թվականի ընթացքում ՀՀ Վայոց ձորի մարզի բնակիչներից ստացել ենք 30 դիմում բողոք, բոլոր դիմումներին տրվել է ընթացք սահմանված կարգով:

Վարչությունը ապահովել է մարզի ՏԻՄ-երի և մարզպետարանի աշխատակազմի փոխհարաբերությունները .

-կազմակերպվել են խորհրդակցություններ,

-ապահովվել է մարզխորհրդի նիստերին ՏԻՄ-երի և ՀԳՄ տարածքային ծառայությունների մասնակցությունը:

Կազմակերպվել են մարզպետի այցելություններ մարզի համայնքներ :  
Համակարգվել են այցելությունների ընթացքում բարձրացված խնդիրների  
կարգավորման աշխատանքները :

2015 թվականի ընթացքում ՏԻ և ՀԳՄ հարցերով վարչությունը  
պատասխանել է 797 գրության:

ՀՀ Վայոց ձորի մարզպետարանի աշխատակազմի ՏԻ և ՀԳՄ հարցերով  
վարչության պետ՝  Ն.Սիմոնյան

30.12.2015թ.

Ա. Թադևոսյան —  
12.01.2016թ.